

Uunga siunnersuut:**Aningaasarsianit akileraarutit pillugit Inatsisartut inatsisaata allanngortinnissaa pillugu
Inatsisartut inatsisaat**

(Erngup nukinganik nukissiorfiliat ilaannut tunngatillugu ilanngaaseereerluni akileraartarnermut aaqquissuussap annertusaaffiginera, ingerlatseqatigiiffiit akileraartinnerat kiisalu akileraartussaataitanerup il.il. uninnerani nalunaartussaataitaneq)

§ 1

Aningaasarsianit akileraarutit pillugit Inatsisartut inatsisaanni nr. 12, 2. november 2006-meersumi, Inatsisartut inatsisaanni nr. 51, 25. november 2024-meersumi kingusinnerusukkut allanngortinneqartumi, makku allanngortinneqarput:

1. § 36 c, imm. 5-imi "2:1" imatut allanngortinneqassaaq: "4:1".

2. § 38-mi imm. 5-ip kingorna imm. 6-8-tut ilanngunneqarput:

” Imm. 6. Piffissami ingerlatseqatigiiffik il.il § 1, imm. 1, nr. 3-13 malillugu akileraartussaataitasutut unissimappat imaluunniit ingerlatseqatigiiffik marloriaammik akileraartussaataitanermut isumaqatigiisummi aalajangersakkat malillugit nunami allami angerlarsimaffeqalersimappat, soorlu Danmarkimi Savalimmiunilu, iluanaarutissanik akiliisinnaajunnaarnermi iluanaarutitut naapertuuttunik naatsorsuisoqassaaq, taakkualu akileraartussaataitanerup uninneranut piffissami ingerlatseqatigiiffiup aningaasatigut piginnittuutut tunniunneqarsimassapput. Iluanaarutit oqaaseqatigiit siulliit malillugit naatsorsorneqartut § 86, imm. 2 malillugu iluanaarutitut isigineqarput. Iluanaarutinit akileraarutit nalunaarutigineqartarnerat uninngatittarnerallu piffissaliussat § 88-imi malinneqartut malillugit pisassapput, tassalu qaammammi qaammatip tamakkiisumik akileraartussaataitanerup uniffiata kingornagut.

Imm. 7. Aalajangersagaq imm. 6 akiliisinnaajunnaarnerup kingunerisaanik uninnermi atuutinngilaq. Imm. 6 malillugu akileraarutitut akiliuteqartarneq appaaffigineqassaaq aningaasanut piginneqataassutitut piginnittoq § 16, imm. 2 malillugu aningaasanit piginneqataassutitut iluanaarutitut akileraartinneqarsimappat.

Imm. 8. Ingerlatseqatigiiffinnut peqatigiiffinnullu § 1, imm. 1, nr. 3-13 malillugu akileraartussaataitasutut akileraartussaataitanerup uninnerani aqutsisoq imaluunniit akiliisitsiniartoq akileraartussaataitanerup uninnerata kingorna qaammatip ataatsip iluani akileraaruseriffimmut nalunaarummik aningaasarsianik ukiumut aningaasarsiorfiusumut naasumut tunngasunik naatsorsuinertalinnik nassiussissaaq. Akileraaruseriffik qinnuiginnittoqareerneratigut nalunaaruteqartarnermut piffissaliussamik kinguartitsisinnaavoq, matumani immikkut pissutsit pisariaqartissimassappassuk. Aalajangersakkat imm. 1 aamma 2-mi assinganik atuutissapput inuit inatsisinik suliallit aalajangersimasumik ingerlatsiffii uninnerisigut, takuuk § 2, imm. 1, nr. 10.”

3. § 39 a, imm. 6 ima oqaasertalerneqassaaq:

" Imm. 6. Aningaasat soraarnerussutisiaqarnissamut aaqqissuussinernit, takuuk imm. 1 aamma 2, soraarnerussutisiaqarnissamut aningaasaateqarfinni imaluunniit inuunermut soraarnerussutisiaqarnissamullu sillimmasiisarfinni Danmarkimi angerlarsimaffeqartuni pilersinneqarsimasunit, aammalu atorfinitsitaanermut atatillugu pilersinneqarsimasunit ukiuni marlunni ingerlaavartumik tunniunneqartartussat amerlaqataat ataasiaannartumik tunniunneqarsinnaapput."

4. § 44, imm. 2, nr. 5 atorunnaarpoq.

5. § 68, imm. 2, nr. 7, ima oqaasertalerneqassaaq:

"7) inuk atorfeqarnerminut ilaatillugu illoqarfiit nunaqarfiillu avataanni imaluunniit Namminersorlutik Oqartussat sinnerlugit mittarfiliornerni aamma erngup nukinganik nukissiorfiliornerni sanaartugassanut pilersaarusiornermut suliaassanut, illuliortiternermut sanaartornermullu suliaassanut kiisalu innaallagialersuinnermut ikkussuinnermullu suliaassanut atatillugu suliaassanik suliaqartoq, takuuk § 72 a, imm. 1, aammalu sulisoq taanna nunami maani qaammatini siuliini 6-ini kingullerni kommunimut akileraartussaataasimanngitsoq, imaluunniit"

6. § 72, imm. 1-imi oqaaseqatigiit siulliit ima oqaasertalerneqassapput:

"Inuit akileraartussaataasut, illoqarfiit nunaqarfiillu avataanni imaluunniit Namminersorlutik Oqartussat sinnerlugit mittarfiliornerni erngullu nukinganik nukissiorfiliornerni sanaartugassanut pilersaarusiornermut suliaassanut, illuliortiternermut sanaartornermullu suliaassanut kiisalu innaallagialersuinnermut ikkussuinnermullu suliaassanut atatillugu suliaassanik suliaqartut aammalu nunami maani qaammatini siuliini 6-ini kingullerni kommunimut akileraartussaataasimanngitsut atorfeqarnerminni isertitamik 35 procentiannik Nunatta Karsianut inaarutaasumik akileraarteqassapput (ilanngaasiinnginnermi akileraarut)."

7. § 86, imm. 2-mi oqaaseqatigiit siulliit kingorna ilanngunneqassaaq:

"Pissarsiatut aamma iluanaarutit § 38, imm. 6 naapertorlugu naatsorsuiffigineqartut isigineqassapput."

8. § 87-imi imm. 5-itut ilanngunneqassaaq:

" Imm. 5. Ingerlatseqatigiiffik § 38, imm. 6 malillugu imm. 1-imi iluanaarutitut naatsorsuineq taaneqartoq assigalugu pissarsiassanit akileraarummik uninngatitsissaaq."

9. § 105, imm. 1, nr. 7 aamma nr. 8 imatut oqaasertalerneqassaaq:

"7) nuussinernut nakkutigisanut tunngatillugu killilimmik uppersaasarnissamut pisussaaffimmut piumasagaatit naammassineqartarnissaat pillugu paasissutissanik eqqunngitsunik paatsoorneqarsinnaasunillu tunniussisimappat, takuuk § 36 b, imm. 4,

8) nuussinernut nakkutigisaasunut § 36 b, imm. 2 malillugu suliarissallugit pisussaaffiusunut tunngatillugu piffissaq eqqorlugu allakkatigut uppersaatissanik tunniusserusunngippat, imaluunniit”

10. § 105, imm. 1-imi nr. 9-tut ilanngunneqassaaq:

”9) § 38, imm. 8 malillugu akileraartussaataanerup uninneranut piffissaq eqqorlugu nalunaaruteqarusunngippat.”

§ 2

Inatsisartut inatsisaat ullormi 1. januar 2026 atuutilissaaq, taamaattorli takuuk imm. 3.

Imm. 2. Inatsisartut inatsisaat ukioq aningaasarsiorfiusoq 2026 aallarnerfigalugu atuutilissaaq, taamaattoq takuuk imm. 3.

Imm. 3. § 1, nr. 2 atorlugu § 38, imm. 6 ikkunneqartoq ingerlatseqatigiiffinnut § 1, imm. 1, nr. 3-13 malillugu akileraartussaataasutut unittunut 10. juni 2025 aallarnerfigalugu atuutilissaaq. Pissarsianit akileraarutit 2025-mi akileraartussaataanerup uninneranik pissuteqartut § 38, imm. 6-imut ilanngunneqartumut ilaasut ulloq 15. januar 2026 nallertinnagu akileraaruseriffimmut nalunaarutigineqarsimassapput ullorlu 1. februar 2026-mi kingullermik akileraartussaassallutik.

Kalaallit Nunaanni Namminersorlutik Oqartussat, ulloq xx. xxx 2025

Naalakkersuisut Siulittaasuat